

քաղաք: Եւ միւս նաւն յետ աւուր միոյ եհաս մեզ անդ. և միւս նաւն յետո կոյս արկանէ հողմն ի Կիպրոս, ընդ որ եկեալն էր ընդ մեզ: Եւ Բշի երեկոյի ելեալ անտի յԱտալիայ՝ ի նաւահանգիստս մեր, որ Մալիսի Զ¹⁾ էր: Եւ այգուցն (7 Մայն) մտաք ի քաղաքն և կացեալ անդ ի պարտէզսն, ԺԿ²⁾ Մալիսի Բշի աւուր Գ նաւի ընկերովք հեծեալ ի ջորի ելաք ի ճանապարհ: Եւ վասն տկարութեան մերում ի ճանապարհի չկարացի յամենայն աւուր գրել զԻջեանի տեղիսն մեր: Բայց Կիրակի աւուր ԺԹ³⁾ Մալիսի կէս եղեալ ճանապարհին, ի դաշտ մի հանգեաք զայն օր, որում միջի կայր տեղիք ջրոց զի եռայր յերկրէ՝ ցուրտ և բարեհամ: Եւ ի միւսում Կիրակի Մեծահրաշի (26 Մայն) զլեզու ծովին անցաք, որ տիւ ասեն և այգուցն Մալիսի Իէ Բշի Ը-րդ ժամու երթալաք մինչ ի տեղին, որ ասի Կէմիքլի տէտէ, ուր ընդ առաջ մեր եղեն ի քաղաքէն մերձաւորք սիրելիք և բարեկամք. և այլ առաջ՝ ի Փէնտիկ տեղին կոչեցեալ՝ այլ ևս յազգայնոց, այլ ևս առաջ՝ ի Ոսրդալ, և անդ գտեալ նաւ մի, եդին ի միջի զմեզ մերովք, և ընդ մտանել արեգական մտաք և մեք ի քաղաքն մեր և գնացեալ յեկեղեցի Սրբոյն Սարգսի, և անտի ի տուն՝ ամենայն բարեկամք, ազգայնօք և սիրելեօք ամենայն աւուր Զ ոգով և Հովնստէաք ի սեղան: Եւ այլ ամենայն ուխտաւորք առաւօտուն եկին, հասեալ իւրաքանչիւր ըզձից՝ ի տունս իւրեանց և ի սիրելիս:

Արդ յորժամ ելաք ի քաղաքէս Օգոստոսի և, մինչ ԻԸ Օգոստոսի հասաք ի սուրբ Երուսաղէմ քաղաք, ԻԳ օր ի ճանապարհ կացեալ: Եւ ի սուրբ Երուսաղէմ Ը ամիս կացեալ՝ պակաս և օր: Եւ ի դառնալն յերուսաղէմէ ի քաղաքս մեր ը աւուրք հասեալ, որ Մա-

1) Է.

2) ԺԲ.

3) ԺԸ.